


बान्ना फूल ।

श्रीकृष्णानिधान बन्ध्यापाठ्याय ।

पृष्ठ ५० अर्थात् ।

ବାରା କୁଳ



ଶ୍ରୀକରୁଣାନିଧାନ ବନ୍ଦ୍ୟୋପାଧ୍ୟାୟ ।

প্রকাশক

শ্রীঅমূল্যচরণ ঘোষ বিদ্যাভূষণ

৪৭, হুর্গাচরণ মিত্রের ষ্ট্রিট, কলিকাতা।

জ্যৈষ্ঠ ১৩১৮।

৪৭, হুর্গাচরণ মিত্রের ষ্ট্রিট "বাণী প্রেসে"

শ্রীনাগেন্দ্রনাথ চক্রবর্তী দ্বারা মুদ্রিত।



ভূমিকা

আজ কয়েক বৎসর হইল আমার পরম সুহৃৎ কবির দেবেন্দ্রনাথ সেন মহাশয় করুণানিধান বাবুর “প্রসাদা” নামক একখানি কবিতা-পুস্তক পাঠ করিবার জন্য আমার নিকট প্রেরণ করেন ; সেই কবিতা-পুস্তকখানি পাঠ করিয়া আমি দেবেন্দ্রবাবুকে লিখিয়াছিলাম, “অনেক দিনের পর যথার্থ পাঠ কবিতা পাঠ করিলাম।”

গোয়ালার “জোলো” ছন্দ এবং “বাঁটি” ছন্দে যে প্রভেদ, একগণকার প্রকাশিত রাশি রাশি কবিতা এবং করুণানিধান বাবুর কবিতায়ও সেই প্রভেদ। করুণানিধান বাবুর কবিতায় যে রস আছে তাহা বৃহস্পতি অমুরের ক্ষুধা নিবারণ করে, তৃপ্তিসাধন করে, আশ সম্পূর্ণ মিটাইয়া দেয়।

আলোচ্য গ্রন্থে নানান ভাবের কবিতা থাকিলেও সকল কবিতাগুলিই সেন একটি সুরে বাদা,—এই সুরটি বাহ্যজগতের সহিত অন্তর্জগতের মিলন-কেন্দ্র হইতে বাহির হইয়া বিচিত্র রাগিনীতে কাব্যে ধ্বনিত হইয়াছে। যে যথো মূলভঙ্গী স্পর্শ করিয়া এই সুরটি বাহির করিতে পারেন তিনিই প্রকৃত কবি।

করুণানিধান বাবুর কবিতাগুলি পাঠ করিয়া মনে হয় যেন তিনি প্রকৃতির ছন্দ,—প্রকৃতির রহস্যভাণ্ডারের চাবি চুরি করিয়া তিনি তাহার সমস্ত সুকানো ঐশ্বর্য দেখিরা আসিয়াছেন ও বাগদেহ

তার সরল প্রাণে আনন্দে নৃত্য করিতে করিতে গীতে ছন্দে তাহা ব্যক্ত করিয়াছেন। কবি দেবীর সৌন্দর্য্য দেখিয়াছেন এবং ভাষায় দেবীকে কি উপমা-অলঙ্কারে কি সুধমা-সম্পর্কে সজ্জিত করিয়াছেন তাহা ভাবিলে বিস্মিত হইতে হয়।

এম্বের যে কোন কবিতা পাঠ করিলেই পাঠক আমার এই উক্তি যথার্থ স্বীকার করিবেন। “সকালক্ষীর প্রতি” কবিতাটির কিয়দংশ উদ্ধৃত করিয়া দিলাম, পাঠক পড়িয়া দেখিবেন কবিতাটি কি সুন্দর, উপমাগুলি কি স্বাভাবিক, যথার্থ প্রযুক্ত।—

“তোমার আলো সব ভুলালো
লো অমরীবালা,
তোমার চেলীর ঝিলিমিলি
চুলের তারার মালা ;

পাখীর গানে কাঁকণ তোমার
বাঞ্ছে কানন ছেয়ে,
শিউরে ফোটে শিউলি-কলি
তোমার সোহাগ পেয়ে।

অলক-ঢাকা কোমল পলক,
নয়ন গরবা—
কাদাল বাধু যাচে তোমার
চুলের সুরভি।

କୋହିନୁରେର ଟିପ୍ପଟି ଡାଲେ
 କାଗେ ରତନ ଢୁଲ,
 ବରଣ-କାଳେର ଡରୁଣ ବଧୁ
 ରେ ଢୁଲାଲୀ କୁଲ !

ଏସ ନେମେ ଆମାର ସରେ,
 ଡାଲୀ-ବନେର ଢଲେ,
 ଏସ ମାନସ-ନନ୍ଦିନି ମୋର,
 ଏସ ଆମାର କୋଲେ ।”

ପ୍ରକୃତିର ଢୁଲାଲ ବାଢୀତ ଆର କେହ କି ଏରୂପ କବିତା ଲିଖିତେ ପାରେନ ? “ଢେଲୀର ବିଲିମିଲି”, “ଢୁଲେର ଡାରାର ମାଲା,” “ପାଖୀର ଗାନେ କାକଣ ବାଢ୍ଢେ,” “ଅଲକ-ଢାକା କୋମଲ ପଲକ” ପ୍ରଭୃତିତେ ସେ ଢାବ ଏବଂ ଧକ୍ଢର ସାମଞ୍ଜସା, ସେ ମିଲନ-ମାଧୁର୍ଯ୍ୟା ରହିରାଢ୍ଢେ, ନିପୁଣ ଶିଢ୍ଢୀ ବାଢୀତ ଆର କାହାରଓ ବାରା ଏ ସାମଞ୍ଜସା-ରକ୍ଢା, ଏ ମାଧୁର୍ଯ୍ୟା-ବିକାଶ ସନ୍ତୁବପର ନଢ୍ଢେ ;—କବି ଡାହାର କବିତାର ବାହିରା ବାହିରା ସେ ଧକ୍ଢ଼ଞ୍ଢୁଲି ବସାଢିଗାଢ୍ଢେନ, କବିତାଢିବ ଅକ୍ଢହାନି ନା କରିଗା ଏକଢିବଓ ପରିବର୍ତ୍ଢେ ଆର ଏକଢି ଧକ୍ଢ ଯଥାଢ୍ଢୁଲେ ପ୍ରୟୋଗ କରା ଆର କାହାରଓ ପକ୍ଢେ ସଢ୍ଢଞ୍ଢାଧା ବଲିଗା ମନେ ଢୟ ନା । ଏଢିଧାନେଢି “ଅରାଢ୍ଢୁଲେ”ର ମାଲାକରେର ଅଶେଷ ଞ୍ଢୁଣପନା, ବିଶେଷ କମଢାର ପରିଢର ।

ଏଢି ଅନୁକରଣେର ଢିନେଓ କବି ସେ ଆପନାର ବିଶେଷତ୍ଢ ସଢାସାଧା ବକ୍ଢା କରିତେ ପାରିଗାଢ୍ଢେନ ଡିହା କମ ଗୌରବେର କଥା ନଢ୍ଢେ । କବି ସେ ଡାବେର କଥାଞ୍ଢୁଲି ବ୍ୟବହାର କରିଗାଢ୍ଢେନ, ସେ ଡାବେ ଢିତ୍ରଞ୍ଢୁଲି ଅଢିତ କରିଗାଢ୍ଢେନ,

তাহাতে কবির যথেষ্ট মৌলিকতা আছে। যান্নাট উপকরণে, ঘরোয়া কথায় উপমা সজ্জিত করিয়া একরূপ বৌদ্ধী-সৃষ্টি আধুনিক কাব্য-সাহিত্যে অতি বিরল।

কবির সমস্ত কবিতাগুলিতে বৌদ্ধভাবের একটা নিষ্ঠে গন্ধ আছে, গ্রাম্যবধূর একটি সরল সলজ্জ ভাব আছে, যে স্তম্ভ কবিতাগুলি আমাদের এত ভাল লাগে। “ঝরাকুলে”র কবিতায় কোথাও ভাবের তীর মাদকতা নাই, পাষণ্ড-গুরুভার নাট,—কবিতায় ভাবগুলি সর্দর যেন “নোনা আতার সোনার গায়ে” চন্দ্রকিরণের ন্যায় পিছলাইয়া পিছলাইয়া পড়িতেছে।

প্রাকৃতিক দৃশ্য বর্ণনে “ঝরাকুলে”র কবি সকলকে হারাইয়াছেন। কবিতাগুলি যেন ছবির পর ছবি। কোথাও সন্ধ্যাধূসর তালবনানী চামর ছলাইয়া দূরদূরান্তে মিশিয়া গিয়াছে, কোথাও পল্লফোটা দৌধির পাড়ে নাষিকেলকুঞ্জের সারি চলিয়াছে, কোথাও ভাঁটের ফুলের মিঠে গন্ধ নাভাসে ভাসিয়া ভাসিয়া বেড়াইতেছে, কোথাও ফাগুন মাসের উতল বাতাস প্রাণকে উদাস করিতেছে, কোথাও ধান-নাচানো মাঠের হাওয়া ঝির্ ঝির্ করিয়া বহিয়া যাইতেছে, কোথাও দিনের রৌদ্র কালোমেঘের রোপ্যপাড়ে জ্বির মত ঝিকমিক করিতেছে, কোথাও আকাশভাঙা মুখলধার বাঁশের ঝড় তোলপাড় করিতেছে, কোথাও ‘দেয়া’ কড় কড় কড় রবে হাঁক দিতেছে,—ছবিগুলি সবই যেন স্বপ্নের মত একটির পর একটি চক্ষের সম্মুখে ভাসিয়া যায়, ছায়ালোকমণ্ডিত মায়াপুরী সৃজন করে।

কবি বহিঃপ্রকৃতিকে যেরূপভাবে দেখিয়াছেন অন্তঃপ্রকৃতিকেও

সেইরূপভাবে দেখিয়াছেন ;—কবি যে কেবল বাহিরের প্রকৃতিত কমলটি দেখিয়াই কান্ড হইয়াছেন তাহা নহে, যে প্রাণসর্বোবরের সহিত যুক্ত হইয়া এই কমলটি সুন্দররূপে ফুটিয়া উঠিয়াছে তাহার অন্তস্তল পর্য্যন্তও তিনি দেখিয়াছেন। মানব-অস্তরের সুখদুঃখ, প্রীতিপ্রেম, বাসনা, বেদনা, ভাবের বিচিত্রলীলা কবি তাঁহার কাব্যে অসামান্য সৌন্দর্য্যে প্রকাশ করিয়াছেন। “মৃগু”, “বেণু” “সরযুব মৃত্যু” প্রভৃতি কবিতাগুলিতে কবির কি সূক্ষ্ম অস্তদৃষ্টি,—কবিতাগুলি কি প্রীতিকরণায় চল চল, কি সহানুভূতির অরুণ-কিরণে সমুজ্জ্বল।

“শেষবাসরে” “পদ্মাতটে” প্রভৃতি কবিতায় কবি যে মেঘরৌদ্রের খেলা, ভাবের যে রঙমহল দেখাইয়াছেন তাহা অতি সুন্দর।

“পাগলিনী” কবিতায় কবি আভাসে ইঙ্গিতে যে একটি ককণ সৌন্দর্য্য ফুটাইয়া তুলিয়াছেন, তাহা কবিরই যোগা হইয়াছে।


কবি আমাদেরকে ঘরে বসিয়া যুক্ত আকাশ, যুক্ত বাতাস, গিরি-কন্দরের শোভা, নদীনির্ম্মরের কঙ্গীতি, ভাবের পুলকানন্দ উপভোগ করিবার যথেষ্ট উপায় দিয়াছেন। “ঝরাফুল” উপাধানতল্লে রাখিবার সামগ্রী—ইহার গন্ধে গৃহ আমোদিত হইবে তাহাতে সংশয়মাত্র নাই।

ইহা স্বার্থ কোভের বিষয় যে, “ঝরাফুলে”র কবিকে এতদিন কেহ ভালরূপ চেনেন নাই—স্বার্থোপায় সমাদর করেন নাই। ইতি

শ্রীশ্রীনাথ ঠাকুর।

७ कालीपद मुखोपाध्याय

चिरयुक्तेषु ।



দেওঘরে

হেথা, গাছের ফাঁকে টুকরা আকাশ,
মউল শালের সবুজ ভিড়,
উঠেছে দূর মাঠের কোণে
ময়ূর-কণ্ঠ 'ত্রিকূট'-শির ;
পটে-আঁকা তরুর শিরে
চূর্ণ কিরণ-পিচ্কিরী,
কানন-ছাওয়া মিঠে আওয়াজ
লাথ' পাখীর গিটুকিরী ।

সামনে জপিব ফিতায় বোনা

জ্বলন্ত ফণা ফেনিরে ধায়,

কুর্নিটিক নগ্ন নদিন

উষ্ণ নূপুর তটের ছায় ।

জন্মট মর্সীর ব গুহলে

ফলে-ভরা পিয়াল-বন,

'দিলাব' উপর ছায়া-আলোক—

উধাও ছুটত বালক-বন

ঝকঝকসে হীরেব চেউয়ে

শিউরে ওঠে ঐ সায়র ;

বিনল জগে ঘোমটা খোলে

পদ্মকোরক রত্নাধর ।—

ভোমার পাশে ভোমার বসে'

মানস-লেগা ফুটিয়েছি,

পাখীর মূখে পেরান শুনে'

সকাল-বিকাল কাটিয়েছি ।

হে প্রকৃতির ভক্ত-দুলাল,
 হে কবিতা-বিভল-প্রাণ,
 বাণীর চরণ-শরণ-মধু
 দ্বিরেফ লমান করতে পান ।
 বনের শিরে শিহরিলেই
 উষার হাসির আবীর বান,
 মঞ্জুলোকে গুঞ্জরিতে
 বীণাপাণির স্তোত্র-গান ।

শোনো-শোনো তেমনি সুরেই
 পাহাড়-চূড়ে ডাকছে কে—
 ধ্যানের দেশে আছি স্কে আর,
 আর যে চলে' সব রেখে' ।
 হাসিছে আজ আঁধি ভরি'
 হারাগো সেই কোমল মুখ,
 পুরাগো সেই পথের আলো,
 কুরাগো সব হুঃখ-সুখ ।

আজ্কে তোমার অধির-উত্তল

ডাকছি কিশোর-বন্ধু মোর,

স্বপন-পুরীর ওপর থেকে

মুছাও এসে আধির মোর ।

প্রবাসের এই কান্নাগামি,

কতিলাভের গণ্ডগোল

চিন্ত-দোলায় আজ্কে তোমার

দেয় না বন্ধু, রুদ্র দোল ।

বাছকরের মত্রে সখা

মিশিয়েছিলে বর ও পর,

বুকেছিলে ভালোবাসাই

বসুন্ধরার শ্রেষ্ঠ বর ;

বন্ধুত্বানের মতন মধুস

লাগত তোমার মেহের কোল,

আজ্কে প্রাণের মর্শ্মশূলে

মুখর তব কণ্ঠরোল ।

ଅମ୍ଭ ତୋନାଏ ମାନନ-ପତ୍ର

କୋନ୍ ଜିଗନ୍ଥ-ଅନ୍ତରାଳ ?

ଅମୃତେରି ମେରୁର ବୃକ୍ଷେ

ଜାରିଯେହି ଭାଣି ଦିବ୍ ଓ କାଳ :

ଏମ ଯୋ ଆଜ ଚିରଈଦାନ,


ତୃପ୍ତି-ସ୍ଵାମୀ ବୃକ୍ଷ 'ପରି'—

ଗୁହାଓ ମଧ୍ୟ ଶାନ୍ତି-ରାଗ

ଫୁଲେର ଉଜ୍ଜ୍ଵଳ ମଞ୍ଜରୀ ।

সূচি ।

ধরা ফুল	১
বাসনা	৩
বিপ্রহরে	১০
কাণে কাণে	১২
শেফালী	১৩
বেণু	১৫
মৃগু	১৭
অজ্ঞ	১৮
মক্যালক্ষীর প্রতি	১৯
আবাতে	৩৪
দিশল শতাকীর মেলনু	৩৫
বনপথে	৪২
সুবরূর মৃত্যু	৪৪
নতুন খেঙ্গা	৪৭
সেধ বাসবে	৫০
মনোহারিকা	৫৫
স্বপ্নে কৈ	৫৮
গান	৬০
পদ্মাতে	৬২
হারা	৬৮
সর্গিনী	৭১
বন্দন	৭৪
সদর্পে	৭৮



বান্ধা ফুল ।

আজি দিব দেব, জীবনাঞ্জলি ঢালিয়া,
চিত্ত-দেউলে 'পঞ্চ-প্রদীপ' জালিয়া,
ধূপ-সৌরভে দহিব নীরবে

বহিয়া বহিয়া গো ।

মেঘ-সীমন্তে চন্দ্রকাস্ত ফুটায়,
ইন্দ্রধনুতে রঙ্গীণ প্রাবার লুটায়,
ভূধর-সোপানে ময়ূর-কণ্ঠ

ময়ূখে এস হে নামিয়া ।

ঝাড়া ফুল

বহাও ভুবনে ভাবের অলকনন্দা,
আসুক ভাসিয়া দিব্য বোজন-গন্ধা,
নন্দন-ঝরা শারিজাতরাজি,

মন্দার অপরাজিতা—

‘তুলি’ হিলোলি পরাগ-মাগরে

এস স্বর্লোক-সবিতা ।

বহু-প্রবাল সান্দনে ন্যাম আন্দোলি’,
দীপ্ত কিরীটে ‘আকাশ গন্ধা’ চঞ্চলি’
হে বৃধোত্তম, এস ভক্তের

হৃদয়োৎপলে নামিয়া—

কাঞ্চন-ছটা ধূর্জটি-জটা

ঝরুক গলিয়া চলিয়া ।

কবে কোন্ দিন মধু-চন্দ্রিকা-ক্ষীরোদে,
যোগাসন তব হেরিব কুন্দ-নীৰদে—
(মোর) ‘একতারা’টিতে কৰ্কশ-রুড়,

গিটুকিরী যাবে থামিয়া ।

(আজি) তব পদতলে হৃদয়-অঙ্কুর জালিয়া,
ঝরা ফুলে ভরা ডালিটি দিমু গো ঢালিয়া,
ধূপ-সৌৰভে দহিব নীৰবে

রহিয়া রহিয়া গো ।

বাসনা ।

ছুটব আমি সরল প্রাণে
পর্ণ-কুটার হ'তে,
ধান-নাচানো মাঠের আওয়াজ
ছুটব আলিপথে ।

বনের মাথায় আঁধার ফুঁড়ে,
শুকভাষাটি জাগবে দূরে,
কাণ জুড়াবে পাখীর গানে
স্বরের মিঠে স্রোতে ।

এলিয়ে দেব নগ্ন বাছ
গাঙ্গের রাস্তা জলে,
ঝাঁপিয়ে পড়ে' উজান যাব
চেউয়ের টলমলে ;

তুচ্ছ করে' জোয়ার ভাঁটা,
এপার ওপার সঁতার কাটা,
নাচবে আলো জলের বৃকে,
নীল আকাশের তলে ।

বান্ধা ফুল

বুক ফুলায়ে হাল ধরিব,
পাল তুলিব 'নায়ে',
মাঝগঙ্গায় জাল ফেলিব
উল্লাস আতুল গায়ে ;
গান্ধীচীলেরা ঝাঁকে ঝাঁকে
উড়বে ভাঙ্গা পাড়ের বাঁকে,
ডাকবে চাতক 'ফটিক জল'
মেঘের ছায়ে ছায়ে ।

বর্ষা যখন ছড়িয়ে দেবে
মোতির 'সাত-নরী' ;
কদম-কেশর শিউরে উঠে
পড়বে ঝরি' ঝরি' ।
মাঠের কোণে যাবে দেখা
বৃষ্টিধারার 'চিকে' ঢাকা
কেয়াঝাড়ের মাথার 'পরে
নারিকেলের সারি ।

বান্ধা ফুল

শিল কুড়িয়ে বাধ্ব 'মোয়া',
লাঙ্গল দেব ভুঁয়ে,
কড়্ কড়্ কড়্ ডাকবে 'দেয়া'
'আস্ব আমন কয়ে' ।

আকাশ-ভাঙ্গা নুৰলধার,
বাশের ঝাড়ে কি তোলপাড়,
পাকুড় তেঁতুল ঝাউয়ের ঝাড়
পড়্ বে কুয়ে' কুয়ে' ।

তলতা বাশের ছিপ্টি চাতে,
'ছাতিম-তলার' ঘাটে
রইব বসে' রৌদ্রমাথা
বৃষ্টিজলের ছাটে ;
'চারে'র মিষ্ট গন্ধে উত্তল
উঠ্বে লাফিয়ে রোহিত চিতল—
উড়িয়ে 'টাউস' গ্রামের ছেলে
মিল্বে খোলা মাঠে ।

স্বপ্না ফুল

অবাক হয়ে' দাওয়ায় বসে'

দেখব ছপুর বেলা,

পরিষ্কার গুই আকাশ-আলোর

পাখীর সঁতার-খেলা ;

কাঠঠোকরা ঠোঁটের ঘাসে,

গাছের হেলা গুঁড়ির গায়ে

সুড়ঙ্গটি করছে গভীর—

পাখায় রঙের মেলা ।

কাঠবিড়ালী বেড়ায় ছুটে'

রাগাঘরের চালে ;

জিহ্বা মেলে' ধুকছে 'ভুলো'

সামনে ঢেঁকিশালে ।

গাছভরা গুই পেয়ারা-ফুলে

মৌমাছির পড়ছে ঢুলে'

বয়ে' বয়ে' দোয়েল ডাকে

বাবুলা গাছের ডালে ।

বান্ধা ফুল

কামার-শালে বস্ন গিয়ে
 পৌত্র এলে পড়ি,
কয়লা-গুলো বাগ্নিয়ে দিয়ে
 টান্ন খাতার দড়ি ;
ঝুলের কাছে জন্বে বোয়া,
কাপিয়ে 'নেয়াই' পিট্র লোহা,
ছিটিয়ে দেন আ গুন-যুঁই—
 আলোর ছড়াছড়ি ।

শুন্তে যাব ভারত-কথা,
 রানায়ণের গান,
সীতার ভণে চোখের জলে
 গল্বে মনঃপ্রাণ ;
বনবাসের করুণ কথা
শুন্তে বুকে বাজ্বে ব্যথা,
ফির্ব ঘরে দুঃখভরে
 সুক মিয়মাণ ।

বান্ধা ফুল

মেয়েটি মোর আগ্নাডায়
দাঁড়িয়ে রবে দ্বারে,
দোপাটি ফুল খোঁপায় পরে'
সাঁঝের আধিয়ারে ;
কাজল-কেওয়া চক্ষু দু'টি
আদর-দোলে উঠ'নে ফুটি'
'ফণী-মনসার' বেড়ায়-ঘেরা
'দুর্গা-দীঘির' ধারে ।

শিউলি ফুলের গন্ধে যাবে
সন্ধ্যাখানি ভরে',
জ্যোৎস্নাধারা পড়'বে ঝরে'
দূর দেউলের পরে ;
অঙ্গ মাজি' দুধের সরে
ঘাটটি হ'তে ঘটটি ভরে',
সইএর সাথে গৃহিনী মোর
আসবে ফিরে ঘরে ।

ঝাঝা ফুল

সারাদিনের শান্তিভরা,
শিথিল আঁখির পাতে
স্বপ্নহারা ঘুমের আরাম
ভোগ করিব রাতে ।
না কুটিতেই উষার আঁগি,
না ছাঁকিতেই ভোরের পাখী,
ঝঙ্কারিব 'জয় গুণদীপ'
প্রাণের 'একতাতে' ।

বিপ্রহরে ।

সুদূর স্থতি জাগায় আজি
ভাঁটের কুলের গন্ধ মিঠে—
লাজুক মেয়ে উঠল নেয়ে
চুলের গোছা ছড়িয়ে পিঠে ।
নীলাধরীর ত্রিভির টুটে'
রঙটি তোমার উঠল ফুটে'—
কামিনীবন খুটিয়ে গেল
সজল তোমার রূপের ছিটে ।

কাণের পিঠে তিলটি তোমার
এড়ায়নি এই মুগ্ধ চোখ—
দীঘির ঘাটে এই যে আঁকা
দীপ্ত তোমার অলঙ্কর ।
নারিকেলের কুঞ্জ-শিরে,
পদ্ম-ফোটা দীঘির নীরে,
ভাঁজটি খুলে' ছড়িয়ে প'ল
পরীর পাথর স্বর্গলোক ।

বান্ধা ফুল

তোমায় সখি দেখেছিলাম,

সরম-রাস্মা মধুর মুখ—

অন্তরায়্যা উঠল কেঁপে

কণ্টকিরা উঠল বুক ।

মৌমাছিদের গুঞ্জরণে

জাগল শ্যামা কুঞ্জবনে—

কালো মেদের রৌপ্য-পাড়ে

অরির মতন রৌদ্রটুক ।

স্বপ্ন সম তার কাঠিনী—

আজকে প্রিয়ে দ্বিপ্রহরে

নোনা আত্মার নোণার গায়ে

রবির কিরণ পিছলে পড়ে ;

দূর্কা-শ্যামল নিম্বতল,

দীপ্ত নভো নীলোজ্জ্বল,

চেউয়ের মাথার মাণিক ভাঙ্গে

গাঙ্গের বৃকে সুরে সুরে ।

কাণে কাণে ।

হের, সখি, আঁখি ভরি' শুভ্র নীরবতা,
পাহাড়ের দু'টি শাখ, জ্যোৎস্না আর মসী ।
নিথর নিশার কণ্ঠে কি দিব্য বারতা,
কাণ পেতে শোন' হেথা বালুতটে বসি' ।
নীরবে নদীর জল চলে সাবধানে,
সুর মিলাইয়ে ওই তারকার সাথে ।
পথ চেয়ে চেয়ে বায়, মগ্ন কা'র ধ্যানে—
সম্ভরণে হাতখানি রাখ মোর হাতে ।
ঘাড়কর চন্দ্রকর তালের বাকলে
হেথা হোথা তুলিয়াছে রূপার ফলক ;
মাধবীলতার ফাঁকে বকুলের তলে
কে তরুণী মুঠি ভরি' ধরে চন্দ্রালোক ।
পাখী লুকায়েছে আঁখি পালক-শিথানে—
আজিকার কথা বঁধু কহ কাণে কাণে ।

শেফালী ।

আর একবার বাতায়ন দিয়ে
বাতাস আসিল জোরে,
শিহরি' উঠিল বালিকা শেফালী
শুইয়া গায়ের ক্রোড়ে ;
শুইয়া পড়িল নীরক্ত বাড়,
নীল অশ্রুনি শার্ণ-ভাসাড়,
চোখের পাতায় সঁঝের আধার
জ্বিল বেদনাভরে ।

জীবন-পুষ্প পড়িল করিয়া
বন্ধে লটুটু টানি' ;
খুইলাম এট করতলে সেই
ছোট হাত দুইখানি ।
তখনো হাশিটি অধরে লাগিয়া,
ঘুমায়ে পড়েছে জাগিয়া জাগিয়া—
স্তম্ভ কপালে শেফালি-পরাগ
ঘুমায় মেহের রাণী ।

ঝাঝা ফুল

ওই যে ওখানে অল-রক্ত
শ্রোতটি বহিয়া যায়,
উহারি পুলিনে কোথায় শেফালী
লুকায়েছে বালুকায় ।
একেকটি করে' তারা জলে জলে,
চাঁদের রূপালি হাসি পড়ে ঢলে',
কাদে গো তটিনী ছল-ছল-ছলে
অফুরাণ বেদনায় ।
দেববালা এক আসে নিতি নিতি,
ললাটে তারার টীপ—
চরণ ছুঁতে উছলে সলিল
ডুবে যায় ওই দ্বীপ,
থামে থমকিয়া বন-মর্শ্বর,
স্বচ্ছ তরল স্ফটিক লহর—
আঁচলে মুছিয়া অশ্র উজোর,
ধীরে নোয়াইয়া শির,
চুষন করে' যায় সে হোথায়
ধূলি-কণা পৃথিবীর ।

রেণু ।

কথা আজো ফুটলো না ছষ্টর,
কিন্তু যেটি করতে বলো করে,
কণ্ঠ বেড়ি' ছোট্ট ছা'টি হাতে
ঠোঁটের পাশে ঠোঁটটি তুলে' ধরে ।

দৌড়ে আসে দেখ'বামাত্র মোরে,
উড়িয়ে দিয়ে কোঁকড়া কালো চুল ;
সে যে আমার প্রাণ বৃণালের কমল,
সে যে আমার স্বপন-পুরীর ফুল ।

সে দেয় ভেঙ্গে নীল আকাশের গুমর
চটুল চোখে দীপ্ত সম্ভল হরষ ;
ছুধের রেখা-আঁকা অক্ষয় অধর
বুকের মাঝে দেয় রে সুধা-পরশ ।

ঝরা ফুল

একটি রাতে ফুলিয়ে ছ'টি আঁখি
ঝুমায় বাছা ফুঁ পিয়ে ফুঁ পিয়ে কেঁদে,
শিথানে তার জ্যোৎস্না পড়ে ফুটি'—
কি অভিমানে বুকটি তার বেঁধে ।

রথে-কেনা ডুগ ডুগিটি রাঙ্গা
রয়েছে ওই আলমারিটির কাছে,
চীনের পুঁতুল, টিনের বাঁশী ভাঙ্গা,
শোলার পাখী ধূলায় লুটাতেছে ।

দিলাম চুমু, রাত্রি তখন অনেক,
আস্তে আস্তে মুখটি করে' নীচু—
অপার্থিব সুধায়-গড়া রেণুর
অধর-পুটে পেলাম নূতন কিছু ।

মৃগু ।

আকাশ যখন আদীবে ভরিল
অথচ তারকা নাই ;
মেঠো পথ দিয়ে ধূলি উড়াইয়ে
কিরিল পাটল গাই ।
নধর চিকণ বাছুরের গায়
বিগলিত যেন মোম,
কচিং উকতে কভু বা উদরে
শিহবি' উঠিছে রোম ।
এমনি সময়ে একেলা বাহির
হইল মৃগাল-বালা ;
এখনো তাহার গলায় হুলিছে
বাসর-কুম্ভমালা ;

ঝাঝা ফুল

চোখের কোণায় অতি সাবধানে
নিপুণ তুলিকা ধরি'

ভুবন-ভুলান রেখা কে টেনেছে
পলাশ বরণে মরি !

ভিন্ গাঁ হঠতে নব বধু কেউ
শব্দ-বাড়ীতে এলে—

মৃগু হয় তার প্রাণের দোসর,
বাঁচে সে মৃগুরে পেলো :

কিশোরী কলিকা পাঁপড়ি মেলিছে
অথচ বালিকা সে—

যারেই শুধাবে তারেই মৃগাল
ভালবাসে সব চেয়ে ।

চুলটি বাঁধিতে কিলটি তুলিতে
চুলবুলে হাত দু'টি,

খোকা খুকী পেলো বৃকেতে আগলি'
হাসিয়ে পলায় ছুটি' ।

মৃগুর মুখের হাসিটুকু তার
কৌকড়া কেশের রাশি

নিমেষে নিমেষে নব রূপ ধরে,
মৃগুরে দেখিতে আসি ;

বান্ধা ফুল

ঘাসের উপরে বসেছে মৃগাল
তাল-পুকুরের তীরে,
দোলে গোদূলের সোণার নিশান
তাল-বনানীর শিরে ।
চেউয়ের সোপাঙ্গে শতদল বধু
নিরুপায় প্রাণে নাচে,
কোনটি এখনো মুদিছে চক্ষু,
কোনটি বা মুদিয়াছে,
মৃগু সে হোদের চাহিয়া চাহিয়া
শ্রান সলিলের পানে,
কি যেন একটা আকুলি ব্যাকুলি
পৃথিল আপন প্রাণে ;
মিষ্ট গলায় গাভিয়া উঠিল
পল্লীর প্রেম-গীতি—
অথচ মৃগাল বোঝে না কিছুই
বধুর মধুর স্রীতি ;
সরল গানের কথাগুলি লঘু
বাণের মতন বিঁধে,
চোখের জলের বাধ ভেঙ্গে দেয়
ভাবগুলি সাদাসিধে ।

ঝাঝা ফুল

লুকায়ে লুকায়ে দেখিছু প্রতিমা
তাল গাছ তলা থেকে,
পিয়াস না মিটে যতবার দেখি
চেয়ে চেয়ে দেখে দেখে ।

শুক পাতার থস্ থস্ ধ্বনি
পলাল মৃগাল ধয়ে—
রক্তিম সাঁঝে মুক্ত চিকুরে
পলায় গ্রামের মেয়ে ।

সে অনেক দিন দেখা হ'য়েছিল
তাল-পুকুরের ঘাটে ;
আর আজ হেথা শাক বেচে মৃগু
'সর্ষে-জোড়ে'র হাতে ।

অঙ্গে অঙ্গে যৌবন-রাগ
ছাপায়ে পড়িছে লুটে,
রঙ্গে ভঙ্গে রবির রশ্মি
রোমে রোমে ফুটে উঠে ;

ধূলা ঝুলিতেছে রুক্ষ অলকে
আলু থালু কেশপাশ,
মৃগুকে দেখিয়া থমকি চমকি
দাঁড়ানু তাহার পাশ—

ঝাড়া ফুল

কি দেখিছু চেয়ে— মানসী প্রতিমা,

অচল হইল আঁধি,

বুকের শোণিতে আশার ফলকে

লইলু চিত্র আঁকি' ।

বিধবা-বিবাহ ? মৃগুকে বিবাহ ?

কাঁপিল হৃদয়তলে—

প্রাণ-পতঙ্গ কাঁপ দিতে চায়

অলস প্রেমানলে ।

চলিলাম গছে, গ্রাম-পথে ধূলা,

সাপ গেছে পার হ'রে,

কোথাও পাখীর নখের ভঙ্গী

চোখে পড়ে রয়ে' রয়ে' ।

সমাজের ভয় ? বিধবা-বিবাহ ?

মানিব কি পবাক্ষর—

জালিছু মৃগুর রতন-দীপটি

জীবন-রজনীময় ।

জালাতন হয়ে' গ্রামের দরায়

ছাড়িয়া গেলাম গ্রাম,

আধারে আলোকে, পথে ঘাটে মাঠে,

মৃগালকে ঢাকিলাম ;

বান্ধা ফুল

মুখপানে তার চাহিয়া দেখিলু
কি দিব্য জ্যোতি ঢালা !
সমাজের শরে ঢাল সম হ'য়ে
দাঁড়াল মৃগাল-বালা ।
ঘর বাঁধিলাম পাহাড়ের গায়
সাঁওতালদের সাথে,
পাটল একটি গাভী ক্রম করি'
সঁপিছু মৃগুর হাতে ;
মৃগুর মেহের লতার তন্তু
আঁকড়িল গিরি-শিলা ;
পা ডুবাত মৃগু স্বচ্ছ নদীতে
আনন্দ-লবু-লীলা ।
সোণার শলাকা বুনিত গগনে
রেশমি বসনস্তর,
অস্ত তপন মুদিত নয়ন
শ্যাম অরণ্য 'পর ।
সকাল হইতে মাঠে খাটিতাম,
মৃগু যেত ভাত নিয়ে,
পরীর মতন মেয়েটি আমার
অবাক রহিত চেয়ে ;

স্নান ফুল

চুড়ীর সহিত জড়াইত হাতে
 মায়েব আঁচলখানি,
 মাঠের মাঝারে কেহ নাহি শুধু
 আমরা তিনটি প্রাণী ;
 চাহিতাম দূর দিগন্ত পানে—
 সোনার ফলেছে সোণা,
 সার্থক ওগো উপত্যকার
 কমলার আলিপনা ।
 খাইতাম ভাত, চাহিতাম ভুলে
 মৃগের মূখের দিকে—
 কি যেন মায়ু যাদু করেছিল
 মৃগ মোর মনটিকে ;
 মউল ফুলের মধুব গন্ধ,
 স্কন্ধ দ্বিপ্রহর,
 কচিং পাখীর করুণ কণ্ঠ
 পলাশ ফুলের 'পর—
 ধরিতাম চাপি' মৃগের ছাতটি,
 ছাসিয়া চোখের কোণে
 চুম্ব দিত মৃগ মেয়েটির গালে
 মোদের স্নেহের ধনে ।

বান্ধা ফুল

মৃগুর প্রাণের নির্মল রস
চোখের ছয়ার দিয়া
ঝলিয়া পড়িত মুকুতা-ধারার—
মৃগু সে আমারি প্রিয়া ।
এক গুণবতী মাধুরীর নদী,
তরুণী হেরিনি আর,—
হাসির চাইতে ক্রকুটিতে তার
ঝরিত সুধার ধার ।
আর এক দিন, সেট শেষ দিন,
তখন অনেক রাত্তি,
মেঘের লীলায় শিহরি' মিলার
রৌপ্য চাঁদের ভাতি ;
ময়ূরকণ্ঠী চেলীর মতন
কুয়াসা গিরির শিরে,
সহসা উঠিয়া বাতায়ন দ্বার
খুলিয়া দিলাম ধীরে ;
হেরিহু মৃগুর বাহুটি বেড়িয়া
ঘুমায়ে পড়েছে কেশ,
চুষন দিহু কপোলে তাহার,
ভুলিহু লজ্জালেশ —

ঝাড়া ফুল

কি এক আবেশে মুগ্ধ জীবনে
হেরিছ কাস্ত মুখ,
করপুটখানি ভরিয়া দিলাম
বনফুল-যৌতুক ;
তলিয়া পড়িছ বক্ষে মৃগুর—
জীবন-মরণ মৃগু,
অধর-বাধুলি শোষণ করিয়া
নূতন মদিরা পি'ল্ল ;
মনে হ'ল সেট বালক-কালের
তাল-পুকুরের ঘাট,
মনে হ'ল সেট বিজুলি-বিভাস
'সর্ষে-জোড়ে'র ঘাট ।
তলিয়া পড়িছ অবশ অঙ্গে
জাগিল না মৃগু আর—
স্বপনের রূপ ধরিল আমার
জাগরণ-অভিসার ।
শেষ করি তবু, শেষ নাহি হয়,
অকুরাণ তার কথা,
অকুরাণ সেই চোখের ভঙ্গী
কালো কটাক্ষ-মতা ।

স্বপ্না ফুল

এখনো-এখনো গভীর ছপুৰে
সেই সে গিরির গায়ে,
একলা একাকী শালের বনের
বোদ্র-খচিত ছায়ে,
হেরি তার মুখ কণ্ঠ-কাকলী
কাণটি ভরিয়া যায়—
উত্তর থেকে ছহু ছহু করে'
আসে এলোমেলো বায়;
সুদূর মাঠের প্রান্ত উজলি'
রূপার তাবিজ প্রায়
'পাহাড়ে' নদীর চিকণ রূপটি
সে মোরে দেখাত হায়—
আজ আমি একা কাছে নাই তুমি,
কই, কোথা প্রাণাধিকে,
এইখান্টিতে বেড়াতে যে তুমি,
এই পথে এই দিকে ।
অলকের ফাঁদে বোদ্র খেলিত,
ছলিত মুক্ত বেণী,
আসিতে লীলার উড়িয়ে আঁচল,
পেরিয়ে শালের শ্রেণী,

ঝাঝা ফুল

তোমার চুলের ফুলের গন্ধ

আকুল করি মন,

কখনো সোহাগ, কখনো সরম,

কখনো কঠিন পণ ।

ওই বাজে ভাব চানির রিংটি—

মুখে হাসি, চোখে লাজ,

নীল পাশাডের পছঁঠায় বসি'

পর আচ্ছি কুল সাজ ।

* * * * *

আনমনে ওগো ঘুমাইয়া পড়ি,

ঘুম যে স্থখের বাড়ী,

ঘুম ভেঙ্গে দিয়ে সে ওঠে পলায়,

পিছে দাট ভাড়াভাড়ি—

কই কই কই ? ওঠে যায় ওঠে—

চায় চায় করে ছাওয়া—

ঝলসিয়া যায় প্রাণের ভিতর

হারালে যায় কি পাওয়া ?

আজ ।

আষাঢ় রাতের বৃষ্টি-ধারায়,
হাওয়ার হুঁ খাসে
বুকের ভিতর তুফান ওঠে,
চোখে জোয়ার আসে ।
নতুন ছ'দিন কাছেই ছিলে
দেখ্ত কেবা চেয়ে ?
পুঁতির মালা পুতুল নিয়েই
ছিলাম লাজুক মেয়ে ।
পড়লে তখন তোমার চোখে
চম্কে কেঁপে উঠে,
কি সঙ্কোচে আতঙ্কে সেই
পালিয়ে যেতাম ছুটে' ।

ঝাড়া ফুল

দক্ষিণ হাওয়ার দিনে যখন
ঘোমটা দিতে খুলে',
আধ্‌ফুটন্ত চামেলী-হার
পরিষে দিতে চুলে,
এলিয়ে দিতে টেকা খোঁপা
বন্ধভরা হাতে—

পণ করিতাম আস্‌ব না আর
তোমার ত্রিসীমাতে ।

(হার) ইঙ্গিতে কেউ তখন যদি
জানিয়ে দিত মোরে
ছরস্ত দিন আস্‌বে এমন
কাদ্‌ব ঘুমের ঘোরে ।
রহবে তুমি পাছ সম
আঁধির অস্তুরাল,
বদলে দেবে জীবনটি মোর
বৌবন-ইন্দ্রজাল ।
বুঝ্‌বে কি এই কেঁদে' কেঁদে'
আধার রাত্রি জাগা ?
জান্‌ত কেবা আপন হয়ে',
দেবে এমন 'দাগা' ?

বান্ধা ফুল

একটি বার আজ সামনে এসে
দাঁড়াও হৃদয়-সাথী ?
সূর্য্য-সমান তও গো উদয়,
পোহায় না যে রাত্তি ।
পারিনি নাথ জানতে কিছুই
ফুটল নুকুল কখন
হৈলু তোমার ব্যথার ব্যথী
চিরদিনের আপন ।
ধূলা-খেলা চুকিয়েছি আজ
এই জনমের মত ;
সাক্ষ হে নাথ, “পুণ্য-পুকুর
পুষ্পমালার” ব্রত ।
আজ্কে সখা তেমনি আবার
পিছন থেকে এসে
চোখ দুটি মোর দাও গো টিপে,
মৃদু মধুর হেসে ।
কৈশোরে সেই থাকতে কাছে
দেখত কেবা চেয়ে ?
দিইছি ভেঙ্গে তাসের ঘর আজ,
নাই সে লাজুক মেয়ে ।



সন্ধ্যালক্ষ্মীর প্রতি ।

তোমার আলো সব ভুলানো
লো অমরী বালা,
তোমার চলীর ঝিলিঝিলি
চুলের তারার মালা ;
পার্থীর গানে কাকণ তোমার
নাছে কানন চেয়ে,
শিউরে ফোটে শিউলি-কলি
তোমার সোহাগ পেয়ে ।
অলক-ঢাকা কোমল পলক,
নয়ন গরদী—
কান্দাল বায় যাচে তোমার
চুলের সুরতি ।

বান্ধা ফুল

কোহিনুরের টীপ্‌টি ভালে
কাণে রতন ছল,
বরণ-কালের তরুণ বধু
রে ছালালী ফুল।

এস নেমে আমার ঘরে,
তালী-বনের তলে
এস মানস- নন্দিনি মোর,
এস আমার কোলে।

সংসারে নাই ঠাই ঠিকানা,
একলা কাটাই দিন,
কৈফিয়তের ভয় রাখি না
সব দায়িত্ব-হীন।

বনের ফাঁকে কুড়িয়ে বেড়াই
শুকনো ঝরা ফুল।

হিজিবিজি- লেখা খাতায়
কাটি কতই ভুল।

(হের) দিখলয়ে বেগুনি-নীল
গিরিশ্রেণীর চূড়ায়,
পরীরা ওই সারি সারি
মণির ফানুস উড়ায়।

ঝরা ফুল

হেথায় যাহা ভাবে আঁকা,
 রূপে হোথায় রাঙে,
জল-ধনুর বীণার তারে
 আলোর সুরটি বাজে ।
এস মানস- ছললি মোর
 আমার খেলার ধরে,
তোমার রঙের ইন্দ্রজালে
 দাও গো নয়ন ভরে' ।
তুহার আলো সব ভুলালো
 লো অমরী বালা,
এস এস চঞ্চলিয়া
 চুলের তারার মালা ।

আষাঢ়ে ।

আনুলিত চুল মাটতে লুটায়ৈ দিয়া
কেঁদে-রাঙ্গা আঁখি ফুলায়েছে মোর প্রিয়া ;
আষাঢ় আকাশে আঁধার ঘনিরে আসে,
জহরী-টাঁপার সুরভি হাওয়ায় ভাসে,
আজি, আমি নাই শুধু আমার প্রিয়ার পাশে ।

কদম ফুটেছে, পেখম ধরেছে শিখী,
শালুক-মেথলা পরেছে 'রাণীর দীঘি' ;
পূবে বাতাসের মড়ল-উতল শ্বাসে
ব্যাকুল বকুল জমেছে সবুজ ঘাসে,
আজি, আমি নাই শুধু আমার প্রিয়ার পাশে ।

নাচিছে দামিনী, মেঘে পাথোয়াজ বাজে,
সরমে কেতকী ফুটে আঙুরাখা মাঝে ;
কাজলের কোলে আলোকের লেখা ভাসে
ওগো ধারা-ঝর-ঝর এমন আষাঢ় মাসে,
আমি নাই শুধু আমার প্রিয়ার পাশে ।

বিংশ শতাব্দীর মেঘ-দূত ।



অথ,

নৈশাপের পর জ্যেষ্ঠ আষাঢ়,
আষাঢ়সাই পয়লা,
ভরিল গগন নবীন নীরদে,
বরণ ছিনিয়া কয়লা ।

“শাপেনাস্তং-গমিত-মহিমা”

যক্ষ একলা বসিয়া

কান্ধেন আহা, চক্ষু কুলেছে

কুমাল ঘসিয়া ঘসিয়া ।

প্রিয়ার সঙ্গে কত ভাব, আড়ি,

ঝগড়া উঠিত পাকিয়া,

মনে হয় আর দেখেন আধার,

কহেন মেঘকে ডাকিয়া—

ঝরা ফুল

“ওগো পুষ্কর, প্রিয়ারে আমার
কিয়ৎবার্তা বোলো বোলো—
বলিতে বলিতে গিরি-কন্দর
তুষার-কণায় ছেয়ে প’ল ।
প্রকোষ্ঠ হ’তে কনক-বলয়
এই দেখ ভাই ব্রষ্ট,
হয়রান্ ভাই কুবেরের শাপে
মরণের বাড়ি কষ্ট ।
যক্ষগণের বাস্তু যেথায়,
যাও সে অলকা-পুরীতে ;
আজ পরবাসে সজল বাতাসে
তুমি যথার্থ মুহূৎ হে ।
ফটিকের বাটি ভরিয়া সেখানে
তরুণীরা খায় ‘বারুণী’—
নহে ছইঙ্কি, শেরি, শ্যাম্পেন—
তা’ দিয়ে পেয়ালা তরনি ।
নাস্তানাবুদ করেছে রে ভাই,
ভাল তো লাগে না জীবন,
এখন কেবল দিবস গুন্ছি,
আষাঢ়ের পর শ্রাবণ ।

ঝাড়া ফুল

পয় পয় করে' নলছি তোমারে,
ভুলো না কথাটা ভুলো না,
ছাদে দর ডাই, এই লেফাফাটা,
হারিও না আর খুলো না ।
যেতে যেতে পথে, দেখবে কোথাও
ফলেছে ভদু খোলো খোলো ;
ওগো পুস্কর, প্রিয়ারে আমার
ভুস্ক মুনতি বোলো বোলো ।
যাইতে যাইতে পল্লীব পথে
হয়ত পড়বে চক্ষে
বঙ্গভূমির ভঙ্গী শ্রামারা
চলেন কলসী কক্ষে ;
কারও বা মাথায় ফিরিঙ্গি খোঁপা,
দোন্টা আধেক পসা,
কারও বা কপালে 'কাঁচপোকা'-টীপ,
ভুস্কর ভঙ্গী খাসা ।
দেখবে কোথাও বালিকারা সব
পূজা করে হর-গৌরী,
সামনে দাঁড়িতে জল থই থই,
ডুব দেয় পাণকৌড়ী ।

বান্ধা ফুল

কোনো মেয়েটির হাসি মুখখানি
ঘাটটি করেছে আলো,
পৃষ্ঠে এলান এক ঢাল চুল
জোম্বার চেয়ে কালো ।
দেখবে কোথাও অশথ-তলায়
জ্যাঠা ছেলের জটলা,
হারুর সঙ্গে তুমুল তর্কে
ব্যস্ত আছেন পটলা ;
'টু' দিতেছেন অটল চক্রে,
ভুল হয়েছেন বুড়ী,
মহাসমারোহে খেলা চলছে সে
লুকোচুরি-হুড়োছড়ি ।
চারু ভাবছেন মৌলিক আমোদ
এবার 'নষ্ট-চক্রে'—
তিষ্টান' দায় 'বার্ডসাই' এবং
সিগারেটটার গন্ধে ;
এঁদের মধ্যে ওস্তাদ যিনি
বংশীতে দেন ফুঁ ;
ভাঁজছেন কেউ তোম্‌ তানা নানা,
কেউ ডাকছেন 'তু' ।

বান্ধা ফুল

স্বায়েদের বাড়ী চলছে বিচার,
নৈশ এবং দৈন,
শিরীষটারে এক-ঘরে' কর,
গিরীশটা কি হৈল !
বিছাটুকু করছেন নসে',
'পঞ্চনলী'র ব্যাথা,
বেনাবাস গিয়ে কেমন করিলে
চড়েছেন তিনি একা ;
বলছেন "বাপ দেখতে যদি সে
তিনিই মালেকর হাথে—
নিঃশ্বাস ফেলে চক্ষু মোছেন
অতীত কালের জায়ে ।
প্রপঞ্চ এষ্ট বিশ্ব দৃশ্য,
অনিভা ইচ্ছা চরাচর,
জন্ম-মৃত্যু-জরা-যৌবন
চলিয়া আসছে বরাবর ।
পিপড়ের মত মাল্যবের মায়
ঘাচ্ছে কিরিয়া আসছে,
প্রবীণেরা পড়ে 'মোহমুদগর,'
নবীনেরা ভালোবাসছে ।

ঝাড়া ফুল

যাক্ বাজে কথা, যাও পুঙ্কর
অলকার সেই কক্ষে,
কুণ্ডুখু চুলে কাঁদিছে রূপসী,
বীণাটি ভিজিছে বক্ষে ।
যাও মেঘ, ভাই যাও তুরন্ত,
অধিক কি আর বলব—
জলভরা চোখ রুমালে চাপিয়া
কত কাল বলাে জলব,
বড় সুখে ভাই ছিন্ন অলকায়,
সে এক স্বপ্ন রাজা,
রোজ রোজ ভাই ভোজের ফর্দ,
চর্ক্যা, চুষা, লেছ,
জাফ্রান-রাঙ্গা মটন কোম্বা,
চপ কাট্লেট পোলাও,
তস্ত উপরি দ্যাঙ্ডা আশ্র
এবং রাব্‌ড়া ঢালাও ।
মিটাতাম তৃষা চাখিয়া চাখিয়া
আনার্কা মিঠা শর্কৎ ;
গড়্‌গড়া থেকে উড়িয়ে দিতাম
ধোয়ার বিক্র্য পৰ্বত ।

বান্ধা ফুল

ছয়লাপ আজ ময়দান ভাই
‘ইন্শে গুঁড়ুনি’ করছে—
দেবতাগুলোর মধ্যে দেখছি
বক্রণ নাবুই ‘খরচে’ ।
চললেন মেঘ, কক্ষটারটি
কণ্ঠে জড়ান যক্ষ,
পাছে হয়ে’ পড়ে ‘নিউমোনিয়া,’
হাস্যাস্ করে বক্ষ ।
একে এসেছেন বিদেশ বিভূই,
তা’তে কাছে নেই পরিবার,
রোগ হ’লে ‘দাও’ পরিবার
এবং একজাই পাখা করিবার ।

বন-পথে ।



নাগকেশরের গন্ধে পাগল
সাক্ষ্য ফাগুন হাওয়া,
কুণ্ঠিত কেন কণ্ঠ তুহার ?
কোন্ স্বরে যার গাওয়া ?

বন-পথে আজ ফুল-দোল-লীলা,
কুকুম ভাঙ্গে রঙ্গণ ;
'জল-তরঙ্গ' বাক্যের তুলি'
বাজাও শব্দে কঙ্কণ ।

ছটাও উধাও মনোরথ অয়ি
নন্দন-বন-বল্লি,
প্রেম-সৌরভে গৌরবময়ি
ফুল চন্দ্রমল্লি,

বান্ধা ফুল

চাহ খঞ্জন-চঞ্চল চাকু
নয়ন-ভঙ্গী সঙ্গে,
মুটাও লীলায় মসলিন-ওড়না
ফাঙ্কন মধু-রসে ।
আজি, বর্ষণ-শেষে 'শোণের' মতন
ভরা যৌবন তুহার,
ছোটে, কাণায় কাণায় রূপের তুফান
পদ্মবাগের জুয়ার ।
মানায় কি আজ শঙ্কা-সরম
নয়ন-ইন্দীকরে,
লোলুপ আজকে অপর-ভঙ্গ
গন্ধ-মধুর করে ।
হের, দীপ্য-প্রবাল পলাশ-দনটি
মাঠের প্রাস্তর আঁকা,
আবীর-বর্ণ রবির বিষ
মেঘ-চুম্বন-মাথা ।
এমন মঞ্জু বসন্ত সঁক,
খিল্লীর কলগুঞ্জন—
মিছে আজ এই মৌপিক লাস
লঙ্কার অশুরজন ।

সরযুর মৃত্যু ।

(সত্য ঘটনা অশ্লীলভাবে লিখিত ।)

—::(*)::—

বিবাহের পর সরযুর পিতা নির্দিষ্ট বর-পণের কিয়দংশ পরিশোধ করিতে পারেন নাই, সেই অপরাধে বালিকা স্বশুর-গৃহে বন্দিরূপে রহিল। ভগবান বোধ হয় সেই মন্থাহতা বালিকার নীরব করুণ প্রার্থনা শুনিয়াছিলেন। মৃত্যু আসিয়া তাহার সমস্ত জ্বালা-যন্ত্রণা নির্বাণ করিয়া দিল।


রজনীগন্ধা ফুটিয়া উঠিলে,
দখিণে বাতাস লুটিয়া ছুটিলে
চুপে চুপে চুপে তারকার রূপে
দেখা দিল এক কবি—
ডাকিল সরযু, দেখিল সরযু
উষার তুষার-ছবি ।
মুরলী গাহিল গান,
অমর-লোকের তান,
বিধিল বালার মরম-সরোজ,
মধুর করুণ প্রাণ ।

বান্ধা ফুল

ফাঁকি দিল বান্ধা লোহার বলয়,
কঠোর পাহারা, দানব-আলয়—
পরীর পাথায় ফাগুন রাকায়
মিলাল মাধবী-ধান—
মানব-নখের আঁচড়টি সয়
সরযু কুমুম তেমন গো নয়,
অত সুকুমার সুধমার সার
সরযু পলাল হায়—
বনতুলসীর মধু-মঞ্জরী
হেলায় ঝরিয়া যায় ।
বাজিতে লাগিল কুহক-বাশরী,
ধরার স্বপন গেল সে পাসরি'
গাছের গানের স্বরে—
পাগল সাগর 'পরে
ভাসিয়া চলিল সরযুর হাসি,
হাসিল সলিল জোয়ারে 'উছাসি'—
বাজিতে লাগিল কবির সে বাশী
গভীর স্নেহের ভরে,
ফেনিল সাগর 'পরে ।

বান্ধা ফুল

এই পথ দিয়ে যাইতাম চলে',
দেখিতাম ওই জানেলার তলে
কাঁদিয়ে বালিকা ফুঁ পিয়া ফুঁ পিয়া
বুক-খালি-করা সুরে—
মার কোল থেকে ছিঁড়ে নিয়ে' তারে
মারিলে খাঁচায় পূরে'—
মনে হ'ত তার পিতার আলয়,
ভা'য়ের মুখটি, মায়ের হৃদয়—
স্নেহের কণাটি দাওনি নিদয়,
দিলে সে থাকিত না কি ?
সরযুবালার চোখের কোণটি,
সরযুবালার আকুল মনটি,
ছিঁড়িয়া তোমার হীরার কণ্ঠী
সরযু দিয়াছে ফাঁকি ।



নতুন খেয়া ।



নেই কি মনে সেকালে সেই
দাঁড়াতে ওই চাঁপার ছায়ে ?
শিউলি ফুলের বৃন্ত-রঙ্গীণ
আঁচলখানি জড়িয়ে' গায়ে ?
(এই) হৃদয়-তুরগ ফিরিয়ে দিলে
বকুলমালার বরা টানি'
মধুর ছ'টি গণ্ড কুপে
প্রবাল-প্রভা ফুটল রাণী ।
জাগছে মনে দোলের দিনে
রঙ্গে চোখে আবীর দেওয়া—
বিজয়াতে ছোয়াৎস্বারাতে
লুকিয়ে তোমার প্রণাম নেওয়া

বান্ধা ফুল

বকুল আজও তেমনি ব্যাকুল,
ভিন্ন নয়কো একটি তিল,
শ্যামার শিসে উতল হাওয়া,
নীল আকাশ ওই তেমনি নীল ।
দাঙ্গ আজি সে পথ-চাওয়া,
বন-কাঁপানো বেগুর তান ।
এখনকার এ নূতন তৃষা,
নূতন দাবী, নূতন দান ।
এ পারের এই খেলার ঘরে
আজ্কে মোদের কুলায় না—
চুষনে নাই দ্রাক্ষা-ধারা,
কটাক্ষও আর ভুলায় না ।
মাঠের কোণে, তালের বনে
জম্ছে কালো ভূষোর রাশ ;
মিলিয়ে এল স্মৃতির আলো,
সুখের শানাই, দুখের শ্বাস ।
ছাড়ল মোদের নতুন খেয়া
ভাঙ্গন-ধরা নদীর পাড়—
নিব্ল পিছে অন্ধকারে
আতস বাঙ্গীর তারার ঝাড় ।

শেষ বাসরে

ঝরিয়াছ তুমি অশ্রুধারায়

আমার তরে,

অড়ায়েছ মোরে ফুলের মালায়

সোহাগভরে ;

প্রভাতে প্রদোবে সুখে দুখে মোর

পরায়ৈ দিয়াছ প্রণয়ের ডোর,

কল্যাণভরা কঙ্কণপরা

দু'খানি করে—

এস, সখি, আজি যৌবন-স্মৃতি-

শেষ বাসরে ।

বান্ধা ফুল

মনে পড়ে আজি আমাদের সেই
বিবাহ-রাতি,
স্পন্দিত-বুকে হইলু দু'জনে
জীবনে সাথী ;
চারিদিকে দোলে আলো আর ফুল,
পল্লী-সখীরা প্রমোদে আকুল,
দীপ্ত-ভূষণ রঙ্গমহল,
রূপের ভাতি,
মধু-পরিহাস-রস-উচ্ছল
'বাসর' রাতি ।

মনে পড়ে সেই 'কনকাঞ্জলি'
পিতার হাতে,
হৃদয়ে ঝঙ্কা, বিদায়-সজ্জল
আঁখির পাতে ;
সীমন্তিনীরা শিবিকা-দুয়ারে,
চোখে জলভার, ঝরিল তোমারে—
তোরণ-মঞ্চে অদূরে শানাই
ধরিল 'তোড়ী'—
গমকে গমকে সুর-মুচ্ছনা
কোমলে-কড়ি ।

বান্ধা ফুল

মনে পড়ে সেই ধূসর অলকে

দাঁড়ালে এসে—

পা ছ'টি ডুনায়ে তুধে-আল্‌তায়

বধূর বেশে ;

পথ-ধূলি-মান সুকুমার শ্রীটি,

লজ্জাবতীর সম নত দিষ্টি,

অয়ি মঙ্গলা, আলয়-কমলা

ভূলালে মোরে ,

পুরলক্ষীর লইল তোমাঝে

'বরণ' করে' ।

ফুলশয্যার দিবা হাসিটি

বাহিনি ভুলে,

ঝলমল্‌ ছ'টি পান্নার 'ছল'

কর্ণমূলে ।

বক্ষঃ-কারায় রুদ্ধ উতলা,

প্রেম-নন্দনা, পূত-নির্মলা,

ভাস্কি' সরমের মন্দর-গিরি

তুর্ণ দায়—

মোতিয়া বেলায় গন্ধ-বিলাসী

মন্দ বায় ।

বান্ধা ফুল

মনে পড়ে সেই নবযৌবন-

গরবী গ্রীবা—

মুকুরে দীপ্ত রয়ঃসন্ধি-

বিজুলী বিভা—

তখন তরুণী; ছিলে না বুকের,

ছিলে না মরমী দুখের সুখের—

হেবেছিনু শুধু মঞ্জু ক্রয়ুগ

নিন্দা 'রতি',

স্বর্ণ-অতসী-তনু-লতিকার

পেলব জ্যোতিঃ ।

মনে পড়ে সেই মধু-মালতীর

বীথিকা দিয়া

চলে' যেতে প্রিয়া ভুজ-বল্লরী

চঞ্চলিয়া—

মাথার উপরে কোজাগর শশী,

পল্লব-ছায়ে বসিতে রূপসি,

রূপালি আলোর আলিপনা-আঁকা

বেদীর 'পরে—

খ্যানের রাজ্যে প্রীতি-পারিজাত-

মেখলা পরে' ।

আব্রা ফুল

কতদিন সেই কাঁপায়ে কাঁকণ

কনিকা সম,

চাবির 'রিং'টি বাজারে আসিতে

সুমুখে মম ;

হেরেছি প্রতিমা, প্রীতি-ক্রভঙ্গ,

লাজ-সঙ্কোচে মুদিত অঙ্গ,

পরশি' অধরে শিশুর অধর

দাঁড়াতে হেসে' ;

লুটিত আঁচল নীলাধরীর

চরণে এসে' ।

মনে পড়ে সেই তুলসীর মূলে

'সন্ধ্যা' দিতে,

মাটির 'দেউটী' যতনে ঢাকিয়া

আঁচলটিতে ;

ভক্তি-উজ্জল মুখ-উৎপল,

আঁধি-পল্লব ঈষৎ সজল,

চোখোচোখী দোহে দাঁড়ানু থমকি'

পাটল সাঁঝে,

গৃহ-দেবতার ধূপ-স্বরভিত

মেউল-মাঝে ।

আজি ফুল

হের, সখি, সেই দিনান্ত-তারা
তেমনি জলে,
ডালিম-ফুলের বঙ্টি ফলান'
মেঘের কোলে !
খেলাঘর ভরি' উঠে কলরব,
ছেলেমেয়েদের ধূলা-উৎসব—
মিছা পরিণয় চতুর্দে'লায়
উলুর রবে ;
জীবন-উষায় বিনোদ ভূষায়
সেজেছে সবে ।

আজি, পূর্বরাগের ফেনিল তুফান
গেছে গো সরি'
যুগ্ম-হৃদয় স্বচ্ছ সলিলে
উঠেছে ভরি'—
আগে যা' বুঝিনি আজি তা' বঝেছি,
কাছে যা' ছিল তা' স্বপনে খুঁজেছি,
হৃৎকানে দৌহার হৃদয়ে মিশেছি
পুলকভরে—
এস, সখি, আজি যৌবন-স্মৃতি-
শেষ বাসরে ।

মনোহারিকা

বন-ফুলের বরণ-মালা

পাতার কোলে ঢুলিয়ে রে,

বল্ রে তুণ, বল্ আনায়ে

কোন্খানে সে লুকিয়েছে ?

ঐ নারিকেল গাছের ঘন

কুঞ্জবনের আব্ছায়ে,

বল্ কোথা তার কুন্দমালা

পথের ধূলায় লুটিয়েছে ?

বান্ধা ফুল

একলাটি সে থাকত শুয়ে
সাঁঝের আলোর বল্মলে,
ডুবিয়ে দিয়ে কোমল তনু
দুর্বাদলের মধ্মলে—
এলিয়ে দিত ফুলের বাজু-
উজল ভুজ-বল্লরী,
কাঁটাহারা-তরুণ-গোলাপ-
শাখার-মতন ঢল্মলে ।

দেখেছি তায় লোকের ভিড়ে
রাস-দেউলে দাঁড়িয়ে সে
কঙ্কা-পেড়ে শাড়ীর কোণা
তর্জনীতে জড়িয়েছে ;
এক-মনে সে শুন্তেছিল
কাণুর গানের অস্তুরা—
ব্রজ-বধুর দীর্ঘ খাসে
চোখ দিয়ে জল গড়িয়েছে ।

ঝাঝা ফুল

সে যে আমার গানের মধু,
মানস-বনের অপ্সরী,
ফুটিয়ে গেছে মালঞ্চ মোর
ফাগুন-মুকুল-মঞ্জরী ;
কোন্ সে দেশে হাওয়ায় ভেসে'
কোথায় সে যে লুকিয়েছে—
কতদিন আর পথের পানে
চাইব দিবা-শরীরী !

স্বপ্নলোকে

হেথায় তা'রা নাইতে নামে

ভাসিয়ে তরী জ্যা'নামাঝে,
গিরি-দরীর মুক্তাধারা

নীরব রাতে উচ্ছে বাজে ।

লুটায় তাদের বসন-ঝালর

ধূসর পাষণ-সী'থির তটে—

অফুট ভাষে পথের পাশে

ফুলেরা সব শিউরে ওঠে ।

বান্ধা ফুল

তা'দের চুলের ফুলের বাসে
গন্ধ হারায় গোলাপ-বেলা—
কে অপসরী সারঙ্ বাজায়,
কি অপক্লপ সুরের খেলা !
নিদাঘ-রাতে রাখাল-ছেলে
টা'দের আলোয় ঘুমিয়ে প'লে
স্বপ্নে শোনে নূপুর তা'দের
গুঞ্জরিছে গিরির কোলে ;
তক্সা ভেঙে দেখে তা'দের
দূর-আকাশে নিভিয়ে যায়,
পাখায় করে সোণার বেণু
জ্যো'ত্সা-মাথা মেঘের ।গায়

গান

ওই তালের-সারি-আঁকা জলে
পদ্মমালা হেলে দোলে,
ঘাসের বনে কি সুধমা

শুভ্র শেফালির !

রৌদ্রচালা সুনীল গাঙ্গে
টেউএর শিরে হীরক ভাঙ্গে,
তীরে-নীরে শিবের দেউল

ত্রিশূল-ভোলা-শির ।

বান্ধা ফুল

বনের ফাঁকে, গিরির কোলে,
শঙ্খচীল 'ওই হাওয়ায় দোলে—
কি বিচিত্র রঙ্গভঙ্গী

কানন-কুরঙ্গীর !

উষার সোণার-কলস-জলে,
সন্ধ্যারাগীর চেলাঞ্চলে—
কোহিনূরের কিরণ-ঝারি

মোদের জননীর ।

দীর্ঘ আখের ক্ষেতের ধারে,
শরের বনে বিলের পারে,
জড়িয়ে ধরে' চাষীর গলা

চাল্‌ব আখির নীর ।

মিল্‌ব তাদের রোগে শোকে,
ব্যথার-ব্যধী-দরদ-ছখে
আপন করে' নেব তাদের

বাধন স্ননিবিড় ।

পদ্মাতটে

সাক্ষা পবনে নিদাঘের দিনে,
শরীর ডুবায়ের ঘন শ্রাম তুণে,
ধরণীর স্নেহ-করের পরশ
জীবনে আমার বুলায় হরষ

ঝাউএর ঝালর বুলায়ে ।

সামনে পদ্মা, ভাস্ক্রা উচু পাড়,
সাঁঝের হাজ্জার বেলোয়ারী ঝাড়—
উঠিল মন্ত্র দেব-আরতির,
উড়ে যায় পাখী দূর-পল্লীর

কাকলি-মুখর কুলায়ে ।

বান্ধা ফুল

সোণালি-সবুজ গম্ভীরা জল
একুল-ওকুল করে টলমল—
মেঘ-রথে কা'রা করে আনাগোনা
ছলায়ে উড়ায়ে তসর ওড়না

ভাজে ভাজে ছায়া জড়ায়ে ।

ভাঙ্গিল নিমেষে সে রঙমহল,
নিবিল গোধূলি গোলাপ-পাটল ;
লুকোচুরি শেষ কিরণ-ছরীর,
মণির মিনার মেঘের পুরীর

কোথায় গেল রে মিলারে ?

হেরি নৈশ্বর্ত্তে মধিছে মরুৎ
উর্দ্ধ-শুও দিগ্গজ-যুথ,
পন্নগ-শিখা ন্যুরৎ-প্রতাপ,
গুরুগর্জ্জদ্-জলদকলাপ

ঝলে কি দীপক জ্বালায়ে !

ঝরা ফুল

ওঠে উল্লোল বিদ্রোহ-দোল,
মত্ত-নটন-মস্থন-রোল,
কোটি-কোদণ্ড-টঙ্কার-রব,
বাজে যুগপৎ, রুদ্রোৎসব
নীল মেঘাদ্রি কোলায়ে ।

সুটিয়ে বালুকা-কুহেলি-অঁচল
ছুটল পদ্মা ক্ষিপ্ত-উতল—
ফুৎকারে কা'র চূর্ণ ছ'পাড়,
অধর ভরি' ওকি তোলপাড়
ওঠে চরাচর কাঁপায়ে !

কোন্ মোহিনীর বিজয়-চমুর
অযুত তুরীর বিচিত্র সুর,
বাজে উত্তরোল ? আলোর আধর
লিখিল গগনে কোন্ ষাহুর
অনলের ফুল ছড়ায়ে ?

বান্ধা ফুল

এমনি উজল কণিকা-খেঁচায়,
খণ্ড-প্রলয়-বজ্র-জ্বালায়
দহিয়া দহিয়া সহিয়া সহিয়া,
আছি গো অসাড় পাষণ্ড হঠিয়া
আশার দীপালি নিবাসে ;

দখিণ বায়ুর বিলোল বিলাস,
লতিকা-বিতানে যথিকার দাস,
নদী-সৈকতে বিভ্রান্ত-কিরণ,
আর তো তেমন আশার না মন
শোভার পসরা সাজিয়ে ;

নাই সে মোহিনী পৌর্ণমাসীতে,
চিত্রা বোহিণী, চাঁদের হাসিতে,
নীহারিকা-পথে মনোহা-বিকার
ফোটে না সীঁথির রতন-বিথার
জ্যোতির দেতার দাজিয়ে ।

নারী ফুল

নীল পদ্মার শুভ্র বেলার,
বৃকভরা হানি হারিয়েছি হায়—
কবে চূর্ণার সুখ-ফুলদান,
কুরাল শুরু আলোর তুফান
কজ্জলজাগ ঘনায়ে ।

চাকিল নসীতে মানস কানন,
যা'কছু আছিল আঁখি-রঞ্জন—
আধারে বিধুর ধ্বংস করে মাঠ,
কপিশ আকাশে উদাসীন ঠাট
কে আছে শুক দাড়ায়ে !

ঘর্ষ-ঘোষ বহুদিনিতে
লহর তুলিল সকল শোণিতে—
হেরিগ্ন মুরতি ভীতি-ভঞ্জন,
কণ্ঠে দোহল হরিচন্দন
পরাগের ধূম উড়ায়ে ।

যাত্রা ফুল

জানিনে যাত্রা কোন্‌খানে শেষ,

কবে উঠিব সন্ধ্যার দেশ—

পূর্ণ পক্ষ ফলের মতন,

বস্তু-দ্রষ্টে তুটিবে জীবন

সকল বেদনা এড়ায়ে ।



হারা

চন্দ্রকিরণ লুকায় তখন
গাছের পাতার ফাঁকে,
ফাগুন মাসের উত্তল বাতাস
আখিবিগি হেঁচকে তা'কে—
মুক্ত চিকুরঙাবে,
কুঞ্চিত জলপারে
অঞ্চল তা'র বাঁপায়ে পড়েছে
নীল তটিনীব বাকে ।

আজীবন তা'বে সেবিয়া আসিছু
ভুলিয়া সকল কাজ,
বানশরীর সুরে মজিয়া রহিছু,
ধরিছু পাগল-সাজ,—
শুভ্র ফাগুন রাতি
মলয় উঠিল মাতি'
ছুয়ারে আমার মাধবী-মুকুল
ঢাকিল সকল লাজ ।

নারী ফুল

জীবন লইয়া কি খেলা খেলিছ,

কি ভাবিল সখী মোর,

অলক-বিজুলী পলায় ঢাকিয়া

ভাল সে মোর কোড়—

শাস্ত গভীর আঁধি

করণ কান্তি মাথি'

কি কহিত মোরে নীরব ভাষায়

জড়িয়ে পুষ্প-ডোর ।

বৈশাখী-চাঁপা-নগ্ন অঙ্গ

ফুটিত ফুলের সনে,

আকাশের পানে চাহিত কিশোরী,

ভাবিত কি আনমনে ;

দেখিতাম চেয়ে চেয়ে

কোলে তা'র সোণা মেয়ে—

সুদূর হইতে বংশী বাজিত

সন্ধ্যার সমীরণে ।

বান্ধা ফুল

স্বপ্নের কুঞ্জ ভান্ধিয়া গিয়াছে,
শূন্য সাজান' স্বর,
চুরি গেছে মোর বৃকের মাণিক
জ্যোৎস্না-ডোলার পর—
কি ভুলে ভুলিব আর,
তরুমূলে বার বার
শুনি এসে তা'র মঞ্জু সেতার,
মঞ্জীর মন্ত্র !

পাগলিনী

আকাশ কোমল লাল,
পূর্ণা প্রভাত কাল,
 আঁচিল গ্রামের ঘাটে,
ফুৎফুৎ মটর ফুল,
নিশার মুকুতা ছল
 ছড়ান' সবুজ মাঠে ।

পরণে বসন লাল,
খোলা কুম্বলজাল,
 কাছে এল এক বালা ;
গীবাটি বাঁকায়ে ধরি'
দাঁড়াইল সুন্দরী—
 আননে করুণা ঢালা ।

বান্ধা ফুল

পায়ের আঁচলা মাল

চুম্বিল কেশকল,

নত করিল সে মাথা ;

গৌর-কণ্ঠে ত'র

ভাতিল দীপ্ত হার

শুল শেফালী গীতা ।

সহসা নিকটে আসি'

উঠিল উচ্ছে হাসি'

প্রতিধ্বনি দিল সাড়া—

দাঁড়িয়ে রহিল চুপ,

দেখিলু আরেক রূপ,

নীল চোখে কালো কাবা—

অঙ্গুলি-নির্দেশে

দেখাল মার্চের শেষে

ধূমবানি পানে চেয়ে—

সমুখে জাগিল ধরা,

পাগলী পাগলে ভরা.—

কাঁদিল অবুঝ মেয়ে ।

বাবা ফুল

বুকটি ছ'ছাত চাপি'
ভীত পাখী সম কাঁপি'

বসিল ধুলার' পরে ;
কি বলে' স্মৃতি তা'ম,
কথা না জুয়া'ল ছায়—
ভাসিলু নয়ন-লোবে ।

তখন মেঘের' পরে
সোণার তুলান বারে,
চাতকী মেতেছে গীতে ;
দাগ দিয়া নীল নীরে
দূরে খেয়া-তরী ভিড়ে—
ফিরিলু ব্যাকুল চিতে ।

বন্দনা

তব আৰতিৰ পূজা-উপচাৰ
সাজায়ে আজি,
অঞ্জলি ভৰি' এনেছি জননি
কুম্ভমৰাজি ;
জ্যোৎস্না বেগুৰ ঝিকিঝিকি রচি'
আঁচল-ভাঁজে,
দাঁড়াও আসিয়া! আমাৰ মানস-
সবসী-মাখে ।

বাবা ফুল

এস মা কনিতা-মুকুতা-মালিকা
কণ্ঠে পরি',
নন্দনবন-তরুমর্ষরে
শ্রবণ ভরি'—
শুভ্র অভয় স্নেহ-কর-শাখা-
পরশ লাগি'
স্পন্দিত প্রাণে আছি মা দীর্ঘ
প্রহর জাগি' ।

তোমারি নিশ্ব-নির্নাদ বীণার
দিনা হানে
তন্ময় হয়ে' রচিব, সারদে,
তোমারি পানে ;
স্বচ্ছ নিশদ, উজ্জল ভাষা
দাও মা দাসে,
গাঁথিব পুণ্য বাণীর মালিক
মলিত ভাবে ।

বান্ধা ফুল

কলে কলে তব করুণার
কণিকা ভাঙি
ধন্য হয়েছি কত অভাজন
ভকু কবি,
বিচিত্র বাণী করেছে রচনা
‘সমুদে তুবি’
‘অক্ষয় মাল্যায়ুগ-মুকুট
গিয়াছে পরি’ ;

কত অযোধ্যা, উদ্ভ্রুপ্রস্থ
ছন্দে গাঁথি’
এনেছে ধরায় বৈজয়ন্ত
‘অরুণ-ভাতি,
সুদূর স্মৃতির অবগুপ্তিত
শেখর হ’তে
উঠে মা তোমার বোধন-মন্ত্র
শ্লোকের স্রোতে ।

বান্ধা ফুল

মনে পড়ে তাঁর 'সরস্বতী'র,
ছায়ায় ঢাকা ;
রক্ত ফলের বর্তুলে ভরা
বটের শাখা,
নৈমিষবন, হোম-ছত্রাশন,
সুরভি হবি,
বাকল-বসনে দ্বানের আসনে
তাপস-কবি ।

এস মা তুষার-কন্দ ভূষণা,
হে বীণাপাণি,
প্রসাদ, বরদে, পরসাদ-বেণু
দাও মা বাণি ;
মার্জনা কর অপরাধ মম
এ আরাধনে,
এস গো জননি, এস সেবকের
হৃদয়সনে ।



সমর্পণ ।

ওরে

মান কুড়াইয়া কি হ'বে ?

যা' আছে রে তোর পথে প্রান্তরে

দান কর তুই নীরবে ;

আর, মান কুড়াইয়া কি হ'বে ?

দে রে দে রে লাজ ভাসায়ে,

সাজ্ আজ তুই পথের পাগল

ঘণায় প্রণয় মিশায়ে ।

খুলে ফেল ফুল-আঙিয়া

বালুকার ঘরে লুকোচুরি খেলা

সন্ধ্যায় যাক্ ভাঙ্গিয়া ।

বান্ধা ফুল

জীবনে বরিষ' অমিয়া,

সকলের কাছে মহিমার মাঝে

ফলভরে থাক' নমিয়া ।

সমস্ত যাও সহিয়া

শত অবজ্ঞা, শত বিদ্রূপ

যাও নতশিরে বহিয়া ।

মিছে, মান কুড়াইয়া কি হবে ?

যা' আছে রে তো'র পথে প্রান্তরে

দান কর তাই নীরবে ;

আর, মান কুড়াইয়া কি হ'বে ।



গহকারের নৃত্য গীতিকা

শান্তিজন ।

(বঙ্গ)

মূল্য ১ টাকা ।

